

全上古三代秦漢三國六朝文

全後漢文卷三十三

烏程嚴可均校輯

魯恭

恭字仲康扶風平陵人莽執和魯匡孫建初初爲郡吏辟太傅趙熹府召詣白虎觀復舉直言待詔公車拜中牟令母憂去官後拜侍御史和帝時拜魯詩博士遷侍中出爲樂安相徵拜議郎進侍中遷光祿勳永元十二年代呂蓋爲司徒坐事免殤帝卽位起爲長樂衛尉安帝卽位復代梁鮪爲司徒呂病免永初六年卒年八十一

上疏諫擊匈奴

竊見寶憲耿秉銜使奉命暴師于外已上見御覽四百三十三引東觀記陛下親勞聖思日昃不食憂在軍役誠欲已安定北垂爲人除患定萬世之計也臣伏獨思之未見其便社稷之計萬人之命在于一舉數年

已來秋稼不熟、人食不足、倉庫空虛、國無蓄積、會新遭大憂、人懷恐懼、陛下躬大聖之德、履至孝之行、盡諒陰三年、聽于冢宰、百姓闕然、三時不聞警蹕之音、莫不懷思皇皇、若有求而不得、今乃已盛春之月、興發軍役、擾動天下、已事戎狄、誠非所已、垂恩中國、改元正時、由內及外也、萬民者、天之所生、天愛其所生、猶父母愛其子、一物有不得其所者、則天氣爲之舛錯、況于人乎、故愛人者、必有天報、昔太王重人命而去邠、故獲上天之祐、夫戎狄者、四方之異氣也、蹲夷踞肆、與鳥獸無別、若雜居中國、則錯亂天氣、汙辱善人、是已聖王之制、羈縻不絕而已、不已傷害中國也、今邊竟幸無事宜、當修仁行義、尚于無爲、令家給人足、安業樂產、夫人道又于下、則陰陽和于上、然後祥風時雨、覆被遠方、夷狄慕德、重譯而至矣、易曰、有孚盈缶、終來有它吉、言甘雨滿我之缶、誠來有我而吉已、夫已德勝人者昌、已力勝人者亡、今匈奴爲鮮卑所殺、遠臧于

史族河西去塞數千里而欲乘其虛耗利其微弱是非義之所出也前太僕祭彤遠出塞外卒不見一胡而兵已困矣白山之難不絕如縆都護陷沒士卒死者如積迄今被其辜毒孤寡哀思之心未弭仁者念之已爲累息柰何復欲襲其迹不顧患難乎今始徵發而大司農調度不足使者在道分部督趣上下相迫民間之急亦已甚矣三輔并涼少雨麥根枯焦牛死日甚此其不合天心之效也羣僚百姓咸曰不可陛下獨柰何已一人之計棄萬人之命不卹其言乎上觀天心下察人志足已知事之得矣臣恐中國不爲中國豈徒匈奴而已哉陛下畱聖恩徵還二將休罷士卒已順天心

後漢魯恭傳又略見袁宏後漢紀十二

上疏

舉無遺策動不失其中

文選王仲宣謀注

上疏諫盛夏斷獄

臣伏見詔書敬若天時、憂念萬民、爲崇和氣、罪非殊死、且勿案驗、  
進柔良、退貪殘、奉時令、所已助仁德、順昊天、致和氣、利庶民者也、  
舊制至立秋、乃行薄刑、自永元十五年已來、改用孟夏、而刺史太  
守、不深惟憂民息事之原、進良退殘之化、因已盛夏、徵召農人、拘  
對考驗、連滯無已、司隸典司京師、四方是則、而近于春月、分行諸  
部、託言勞來貧人、而無隱惻之實、煩擾郡縣、廉考非急、逮捕一人、  
罪延十數、袁宏紀作有疑罪上逆時氣、下傷農業、案易五月始用  
事、袁宏紀作案易消息四月乾卦用事、經曰、乾曰美、經曰、后已施  
令、誥四方、言君已夏至之日、施命令、止四方行者、所已助微陰也、  
行者尚止之、況于逮召考掠、袁宏紀此下有擾百姓三字奪其時哉、比年水旱  
傷稼、人飢流冗、今始夏、百穀權興、陽氣胎養之時、自三月已來、陰  
寒不暖、物當化變、而不被和氣、月令孟夏、斷薄刑、出輕繫、行秋令、  
則苦雨數來、五穀不熟、又曰、仲夏、挺重囚、益其食、行秋令、則草木

零落人傷于疫夫斷薄刑者謂其輕罪已正不欲令久繫故時斷之也袁宏紀作謂正罪不欲令久繫不謂可臣愚曰爲今孟夏之制可從此令其決獄案攷皆曰立秋爲斷曰順時節育成萬物則天地曰和刑罰曰清矣後漢魯恭傳又略見袁宏後漢紀十六

議奏斷獄曰冬至前

夫陰陽之氣相扶而行發動用事各有時節若不當其時則物隨而傷王者雖質文不同而茲道無變四時之政行之若一月令周世所造而所據皆夏之時也其變者唯正朔服色犧牲徽號器械而已故曰殷因于夏禮周因于殷禮所損益可知也易曰潛龍勿用言十一月十二月陽氣潛藏未得用事雖照噓萬物養其根莖而猶盛陰在上地凍水冰陽氣否隔閉而成冬故曰履霜堅冰陰始凝也馴致其道至堅冰也言五月微陰始起至十一月堅冰至也夫王者之作因時爲法孝章皇帝深惟古人之道助三正之微

定律著令冀承天心順物性命已致時雍然從變改已來年歲不  
熟穀價常貴人不寧安小吏不與國同心者率入十一月得死罪  
賊不問曲直便即格殺雖有疑罪不復讞正一夫吁嗟王道爲虧  
況于衆乎易十二月袁宏紀作十月中字曰君子已議獄緩死可令疑罪使  
詳其法大辟之科盡冬月乃斷其立春在十二月中者勿已報囚  
如故事後漢魯恭傳又略見袁宏後漢紀十六

魯丕

丕字叔陵恭弟永平中爲郡督郵功曹建初元年舉賢良方正  
對策高第除議郎遷新野令擢青州刺史坐事下獄免元和初  
徵再遷拜趙相永元中遷東郡太守歷陳留太守坐事下獄免  
復徵再遷中散大夫進侍中免永初中復徵再遷侍中左中郎  
將卒年七十五

舉賢良方正對策

政莫先于從民之所欲除民之所惡先教後刑先近後遠君爲陽臣爲陰君子爲陽小人爲陰京師爲陽諸夏爲陰男爲陽女爲陰樂和爲陽憂苦爲陰各得其所則和調精誠之所發無不感浹吏多不良在于賤德而貴功欲速莫能修長久之道古者貢士得其人者有慶不得其人者有讓是已舉者務力行選舉不實咎在刺史二千石書曰天工人其代之觀人之道幼則觀其孝順而好學長則觀其慈愛而能教設難已觀其謀煩事已觀其治窮則觀其所守達則觀其所施此所已核之也民多貧困者急急則致寒寒則萬物多不成去本就末奢所致也制度明則民用足刑罰不中則于名不正正名之道所已明上下之稱班爵號之制定卿大夫之位也獄訟不息在爭奪之心不絕法者民之儀表也法正則民慤吏民凋弊所從久矣不求其本浸已益甚吏政多欲速又州官秩卑而任重競爲小功已求進取生凋弊之俗救弊莫若忠故孔



子曰孝慈則忠治姦詭之道必明慎刑罰孔子曰導之以禮樂而民和睦說已犯難民忘其死死且忘之況使爲禮義乎袁宏後漢紀十六

上疏論說經

臣已愚頑顯備大位犬馬氣衰猥得進見論難于前無所甄明衣服之賜誠爲優過臣聞說經者傳先師之言非從已出不得相讓相讓則道不明若規矩權衡之不可枉也難者必明其據說者務立其義浮華無用之言不陳于前故精思不勞而道術愈章法異者各令自說師法博觀其義覽詩人之旨意察雅頌之終始明舜禹皋陶之相戒顯周公箕子之所陳觀乎人文化成天下陛下既廣納謬謬已開四聰無令芻蕘已言得罪既顯巖穴已求仁賢無使幽遠獨有遺失後漢魯丕傳

奏止趙王避疾學宮

臣聞禮諸侯薨于路寢大夫卒于適室死生有命非有逃避之典

也學宮傳五帝之道修先王禮樂教化之處王欲廢塞曰廣游譙  
事不可聽後漢魯不傳不拜趙相趙王商嘗欲避疾便時移住學宮不止不聽王乃上疏自言詔書下不不奏云云詔從

胡滕

滕爲南陽從事歷大將軍西曹掾

請比都官從事表

天子無外乘輿所幸便爲京師臣請荊州刺史比司隸臣比都官

從事御覽六百六引桂陽先賢叢讚胡滕部南陽從事遇大駕南巡求索惣假滕表云云帝奇其才悉許之

劉毅

毅齊武王曾孫建初二年封平望侯永元中坐事奪爵永初中

召入東觀復故封元初初拜議郎

上書請著太后注紀

臣聞易載羲農而皇德著書述唐虞而帝道崇故雖聖明必書功

故竹帛流音於管絃、伏爲皇太后膺大聖之姿、體乾坤之德、齊蹤  
虞妃、比跡任姒、孝悌慈仁、允恭節約、杜絕奢盈之源、防抑逸欲之  
兆、正位內朝、流化四海、及元興延平之際、國無儲副、仰觀乾象、參  
之人譽、爰立陛下爲天下主、永安漢室、綏靜四海、又遭水潦、東州  
饑荒、垂恩元元、冠蓋交路、菲薄衣食、躬率羣下、損膳解驂、已贈黎  
苗、惻隱之恩、猶視赤子、克已引愆、顯揚仄陋、崇晏晏之政、敷在寬  
之教、興滅國、繼絕世、錄功臣、復宗室、追還徙人、蠲除禁錮、政非惠  
和、不圖于心、制非舊典、不訪于朝、弘德洋溢、充塞宇宙、洪澤豐沛、  
漫衍八方、華夏樂化、戎狄混并、丕功著于大漢、碩惠加于生人、巍  
巍之業、可聞而不可及、蕩蕩之勲、可誦而不可名、古之帝王、左右  
置史、漢之舊典、世有注紀、夫道有夷崇、治有進退、若善政不述、細  
異輒書、是爲堯湯負洪水大旱之責、而無咸熙假天下之美、高宗  
成王有雉雉迅風之變、而無中興康寧之功也、上考詩書、有虞二

妃周室三母修行佐德思不踰閼未有內遭家難外遇災害覽總  
大麓經營天物功德巍巍若茲者也宜令史官著長樂宮注聖德  
頌曰敷宣景耀勸勳金石懸之日月攄之罔極曰崇陛下烝烝之  
孝後漢和熹皇后紀元初五年平望侯劉毅  
曰太后多德政欲令早有注紀上書安帝

劉駘駘

駘駘毅從弟嗣父復爵臨邑侯永初中召入東觀除校書郎有

集二卷

立根賦

一足之夔九頭之鵠文選江  
賦注

戴金翠珥珠璣文選洛  
神賦注

前殿冬絺文選七啟注  
引立想頌

致垂棘曰爲墀文選顏延之元  
皇后哀冊文注

芳林臻臻朱竹離離菱芙蓉吐榮若攄錦而布繡御覽九百  
七十五

素雁蜺螭感清羽玄鶴迴翔應徵宮

北堂書鈔一百九引玄根頌

上書諫鑄錢事

夫食者乃有國之大寶生民之至貴也見比年已來良田盡于蝗螟之口杼軸空于公私之求野無青草室如懸磬所急朝夕之食所患靡鹽之事豈謂錢之鑄簿銖兩輕重哉就使當令土磔化為南金瓦鹵變為為和玉沙石悉成隨珠犬羊盡作狐白絳繡盈堂文綺緱野使百姓渴無所飲飢無所食雖義皇之純德大禹之勤勞周文之不暇猶不能日保蕭牆之內

藝文類聚六十六

與竇季瑋書

君囑茹墳典履公修行

北堂書鈔

與李子堅書

下車負乘劇賊未擒

文選范蔚宗後漢宦者傳論注

吏民彊獷比屋為賊

又沈約齊安陸

碑主

郡太守箴

一作崔瑗

有羸駢除焚舊典紀蕩滅蕃畿罷侯置守奏發閭左陳涉奮威楚  
築乾溪靈王不歸征鄢由近不可肅祇守臣司境敢告執機甄文類聚

六

大漢遵周化洽九區

文選指白馬賦注又陸機皇太子宴玄圃詩注又趙至與嵇茂齊書注作遵因

張敏

敏字伯達河閒鄭人建初二年舉孝廉四遷爲尚書永元中拜  
司隸校尉遷汝南太守坐事免延平元年拜議郎再遷永初初  
爲潁川太守代周章爲司空

駁輕侮法議

夫輕侮之法先帝一切之恩不有成科班之律令也夫死生之決  
宜從上下猶天之四時有生有殺若開相容恕著爲定法者則是  
故設姦萌生長罪隙孔子曰民可使由之不可使知之春秋之義

子不報讎非子也而法令不爲之減者已相殺之路不可開故也  
今託義者得減矣殺者有差使執憲之吏得設巧詐非所已導作  
道在醜不爭之義又輕侮之比寢已繁滋至有四五百科轉相願  
望彌復增甚難已垂之萬載臣聞師言救文莫如質故高帝去煩  
苛之法爲三章之約建初詔書有改于古者可下三公廷尉蠲除  
其敝後漢張敏傳建初中有人侮辱人父者而其子殺之肅宗賞其死刑而降宥之自後因已爲比永元中遂定其議已爲輕  
尙法敏  
駁議

復上疏議輕侮法

臣敏蒙恩特見拔擢愚心所不曉迷意所不解誠不敢苟隨眾議  
臣伏見孔子垂經典皋陶造法律原其本意皆欲禁民爲非也未  
曉輕侮之法將已何禁必不能使人不相輕侮而更開相殺之路  
執憲之吏復容其姦枉議者或曰平法當先論生臣愚已爲天地  
之性唯人爲貴殺人者死三代通制今欲趣生反開殺路一人不

死天下受敝記曰利一害百人去城郭夫春生秋殺天道之常春一物枯卽爲災秋一物華卽爲異王者承天地順四時法聖人從經律願陛下留意下民考尋利害廣令平議天下幸甚後漢張敞省敏復上疏和帝從之又略見通典一百六十六御覽四百五十二

應順

順字仲華汝南南頓人建初中舉孝廉爲尚書郎轉右丞出爲冀州刺史再遷東平相永元中歷左馮翊見陳寵傳河南尹拜將作

大匠

上言宜給計吏舍館

百郡計吏觀國之光而舍逆旅崎嶇私館直褻衣物弊朽暴露朝會邈遠事不肅給昔霸國盟主耳舍諸侯于隸人子產曰爲大譏況今四海之大而百無乎續漢百官志二注補引漢官永元十年應順上言

應奉



奉字世叔順會孫桓帝時四府舉才堪將帥拜武陵太守坐事免尋爲司隸校尉引疾退有洞序九卷

理李膺等疏

昔秦人觀寶于楚昭奚恤莅已羣賢梁惠王瑋其昭乘之珠齊威王答呂四臣夫忠賢武將國之心膂竊見左校施刑徒前廷尉馮緄大司農劉祐河南尹李膺等執法不撓誅舉邪臣肆之已法眾庶稱宜昔季孫行父親逆君命逐出莒僕于舜之功二十之一今膺等投身彊禦畢力致罪陛下既不聽察而猥受譖訴遂令忠臣同愆元惡自春迄冬不蒙降恕遐邇觀聽爲之歎息夫立政之要記功忘失是已武帝捨安國于徒中宣帝徵張敞于亡命緄前討蠻荆均吉甫之功祐數臨督司有不吐茹之節膺著威幽并遺愛度遼今三垂蠢動王旅未振易稱雷雨作解君子曰赦過宥罪乞原膺等已備不虞

後漢李膺傳

上書諫立后

臣聞周納狄女、襄王出居于鄒、漢立飛燕、成帝崩、嗣泯絕、母后之重興廢所因、宜思關雎之所求、遠五禁之所忌、後漢應奉傳

應劭

劭字仲遠、一作仲援、又作仲瑗、奉子、靈帝時、舉孝廉、辟車騎將軍、何苗掾、曰、高第出爲營陵令、遷太山太守、興平初、棄郡奔袁紹、有漢書集解二十四卷、漢朝駁議三十卷、律略論五卷、漢官儀十卷、風俗通義三十一卷、集四卷、

貢藥物表

臣劭居郡、舊因計吏獻藥、闕而不修、慙惇交集、無辭日久、今道少通、謹遣五官孫艾、貢茯苓十斤、紫芝六枝、鹿茸五斤、五味一斗、計吏發行、輒復表貢、御覽九百八十四

奏上刪定律令

夫國之大事莫尚載籍載籍也者決嫌疑明是非賞刑之宜允獲厥中俾後之人永爲監焉故膠東相董仲舒老病致仕朝廷每有政議數遣廷尉張湯親至陋巷問其得失于是作春秋決獄二百三十二事動已經對言之詳矣逆臣董卓蕩覆王室典憲焚燎靡有子遺开辟已來莫或茲酷今大駕東邁巡省許都拔出險難其命惟新臣累世受恩榮祚豐衍竊不自揆貪少云補輒撰具律本草句尚書舊事廷尉板令決事比例司徒都目五曹詔書及春秋斷獄凡二百五十篇獨去復重爲之節文又集駁議三十篇已類相從凡八十二事其見漢書二十五漢記四皆刪敘潤色已全本體其二十六博採古今瓌璋之士文章煥炳德義可觀其二十七臣所創造豈繁自謂必合道衷心焉憤邑聊已藉手昔鄭人已乾鼠爲璞鬻之于周宋愚夫亦寶燕后綰繻十重夫覩之者掩口盧胡而笑斯文之族無乃類旃左氏實云雖有姬姜絲麻不棄憔悴

管蒯蓋所已代置也是用敢露頑才廁于明哲之末雖未足綱紀國體宣洽時雍庶幾觀察增闡聖聽惟因萬機之餘暇游意省覽焉

後漢應劭傳  
晉書刑法志

駁韓卓募兵鮮卑議

鮮卑隔在漠北大羊爲羣無君長之帥廬落之居而天性貪暴不拘信義故數犯障塞且無寧歲吏民創禁不與交關唯至互市乃來靡服苟欲中國珍貨非爲畏威懷德計獲事足旋踵爲害是已朝家外而不內蓋爲此也往者匈奴反叛度遼將軍馬續烏桓校尉王元發鮮卑五千餘騎又威武太守趙冲亦率鮮卑征討叛羌斬獲醜虜既不足言而鮮卑越溢多爲不法裁已軍令則忿戾作亂制御小緩則陸掠殘害劫居人鈔商旅啖人牛羊略人兵馬得賞既多不肯去復欲已物買鐵邊將不聽便取縑帛聚欲燒之邊將恐怖畏其反叛辭謝撫順無故拒違今狡寇未殄而羌爲巨害

如或致悔其可追乎臣愚已為可募隴西羌胡守善不叛者簡其  
精勇多其牢賞太守李參沈靜有謀必能獎厲得其死力當思漸  
消之略不可倉卒望也後漢應劭傳又略見藝文類聚六十六引漢名臣奏  
鮮卑胡市議

太尉屬應劭等議曰為鮮卑隔在漠北大羊為羣無君長帥墮落  
之居又其天性貪而無信故自漢興于茲數犯障塞且無寧歲吏  
民創禁不與交關唯至胡市乃成靡服非畏威懷德實玩中國珍  
異之故耳藝文類聚六十  
五引漢名臣奏

追駁尚書陳忠活尹次史王議

尚書稱天秩有禮五服五章哉天討有罪五刑五用哉而孫卿亦  
云凡制刑之本將已禁暴惡且懲其末也凡爵列官秩賞慶刑威  
皆已類相從使當其實也若德不副位能不稱官賞不酬功刑不  
應罪不祥莫大焉殺人之者死傷人之者刑此百王之定制有法之成

科高祖入關雖尚約法然殺人者死亦無寬降夫時化則刑重時亂則刑輕書曰刑罰時輕時重此之謂也今次王公已清時釋其私憾阻兵安忍僭屍道路朝恩在寬幸至冬獄而初軍恩猶妄自投斃昔召忽親死子糾之難而孔子曰經于溝瀆人莫之知朝氏之父非錯刻峻遂能自隕其命班固亦云不如趙母指括已全其宗傳曰僕妾感慨而致死者非能義勇顧無慮耳夫刑罰威獄已類天之震耀殺戮也溫慈和惠已放天之生殖長育也是故春一草枯則爲災秋一木華亦爲異今殺無罪之初軍而活當死之次王其爲枯華不亦然乎陳忠不詳制刑之本而信一時之仁遂廣引八議求生之端夫親故賢能功貴勤賓豈有次王當罪之科哉若乃小大已情原心定罪此爲求生非謂代死可已生也敗法亂政悔其可追

後漢應劭傳

舊名諱議

周穆王名滿晉厲公名州滿是同名不諱春秋成十年正義案春秋成十年正義集解及成十八年經作

州滿蓋六朝本相承寫誤

營陵令到官移書申約吏民

到聞此俗舊多淫祀靡財妨農長亂積惑其侈可忿其愚可愍昔仲尼不許子路之禱晉悼不解桑林之祟死生有命吉凶由人哀哉黔黎漸染迷謬豈樂也哉莫之徵耳今條下禁申約吏民為陳利害其有犯者便收朝廷若私遺脫彌彌不紀主者髡截歎無及已城陽景王縣甚尊之惟王弱冠內侍帷幄呂氏恣睢將危漢室獨見先識權發酒令抑雅扶正忠義洪毅其歆禋祀禮亦宜之至于駕乘烹殺倡優男女雜錯是何謂也三邊分拏師老器弊朝廷盱食百姓嗷然禮興在有年饑則損自今聽歲再祀備物而已不得殺牛遠迎他倡賦會宗落造設紛華方廉察之明為身計而復償失罰與上同明除見處勿後中覺風俗通九

風俗通義序

昔仲尼沒而微言闕，七十子喪而大義乖，重遭戰國，約從連橫，好惡殊心，真偽紛爭，故春秋分爲五詩，分爲四易，有數家之傳，竝已諸子百家之言，紛然轂亂，莫知所從。漢興，儒者競一本作興，復比誼會意，爲之章句，家有五六，皆析文便辭，彌已馳遠，綴文之士，雜襲龍鱗，訓注說難，轉相陵高，積如丘山，可謂繁富者矣。而至于俗間行語，眾所共傳，積非習貫，莫能原察。今王室大壞，九州幅裂，亂靡有定，生民無幾，私懼後進，益已迷昧，聊已不才，舉爾所知，方已類聚，凡三十一卷，謂之風俗通義，言通于流俗之過謬，而事該之于義理也。風者，天氣有寒煖，地形有險易，水泉有美惡，草木有剛柔也。俗者，含血之類，像之而生，故言語歌謳異聲，鼓舞動作殊形，或直或邪，或善或淫也。聖人作而均齊之，咸歸于正。聖人廢則還其本俗，尚書天子巡狩，至于岱宗，覲諸侯，見百年，命大師，陳詩已觀民。



風俗孝經曰移風易俗莫善于樂傳曰百里不同風千里不同俗戶異政人殊服由此言之爲政之要辨風正俗最其上也周秦常呂歲八月遣輜軒之使采異代方言還奏籍之藏于秘室及嬴氏之亡遺脫漏棄無見之者蜀人嚴君平有千餘言林閭翁孺才有梗概之法揚雄好之天下孝廉衛卒交會周章質問呂次注續二十七年爾乃至正凡九千字其所發明猶未若爾雅之闋麗也張竦呂爲懸諸日月不刊之書予實頑闇無能述演豈敢比隆于斯人哉顧惟述作之功故聊光啓之耳昔客爲齊王畫者王問畫孰最難孰最易曰犬馬最難鬼魅最易犬馬旦暮在人之前不類不可類之故難鬼魅無形無形者不見不見故易今俗語雖云浮淺然賢愚所共咨論有似犬馬其爲難矣并綜事宜于今者孔子稱幸苟有過人必知之俾諸明哲幸詳覽焉

風俗通  
元刻本

賜進士出身二品銜廣東等處提刑按察使司按察使兼管驛傳事務并岡王毓藻校刊

全後漢文卷三十三終

全後漢文卷三十四

烏程嚴

應劭二

漢官儀上

太傅古官也周成王時康叔爲之高后元年初用王陵金印紫綬

八年省哀帝元壽二年復置位在三公上世祖中興特遣使者備

禮徵故密令卓茂策曰案北堂書鈔引作前密令卓茂東身自修

執節純固案北堂書鈔引有前密令下十三字夫士誠能爲人所

不能爲名冠天下當受天下重賞故武王誅紂封比干之墓表商

容之閭今已茂爲太傅案文選任彥升爲范尚書讓吏部封侯封

宣德侯北堂書鈔設官部載文類聚職官部太平御覽職官部

言漢官者上皆

有應劭二字

傳者覆也

續漢百官志一補注

應劭

明帝甲辰策書曰高密侯鄧禹元功之首其已禹為太傅北堂書

部案此條引作漢官

和帝丁酉策書曰故太尉鄧彪元功之族三讓彌高海內歸仁為

羣賢首其已彪為太傅索北堂書鈔初學記載錄尚書事百官總

己已聽庶得專位內之事北堂書鈔設官部初學記職官部載文

殤帝策曰張禹三世在位黃髮罔愆忠孝彌篤其已禹為太傅錄

尚書事百官總己已聽北堂書鈔設官部兩引

冲帝丁酉策書曰舅氏輔翼股肱三公國之楨幹朝廷取正己成

斷金太尉趙岐三世掌典機衡案太平御覽引作樞衡有匪后不二之心大

司農李固公族之苗忠直不同有史魚之風今已岐為太傅固為

太尉與大將軍冀參錄尚書事北堂書鈔設官部兩引初學記職官部兩引太平

御覽職官部兩引

靈帝策書曰故太尉陳蕃忠亮蹇諤有不吐茹之節司徒胡廣惇

德允元五世從政今已蕃為太傅與廣參錄尚書事

職文類聚職官部太平御覽

覽職官部

太師太傅太保皆古官也

初學記職官部

太師古官也平帝元年孔光以太師見授詔太師無朝十日一賜

餐賜靈壽杖省中施坐置几太師入省中用杖自是而口

續漢百官志一

補注案三公太師在大傅前後漢省大師大保唯置太傅今改列于後又案此條末口今本作闕字乃校者所記而後來誤入正文也

今訂正

孝平皇帝元始元年太后詔曰太師光今年老有疾俊又大臣惟

國之重書曰無遺老成國之將興尊師重傅其令太師無朝十日

一賜餐賜以靈壽杖黃門令為太師于省中施坐置几太師入省

用杖焉

北堂書鈔設官部初學記職官部太平御覽職官部

平帝元始元年孔光以太師見授太后詔曰太師先聖之後道術

通明

案北堂書鈔又引作先師之子德行純淑

宜居四輔職訓導帝躬

北堂書鈔設官部初學記職官

太保古官也保養也

北堂書鈔設官部載文類聚職官部太平御覽職官部

太尉秦官也武帝更名大司馬

後漢書光武紀注案通典職官云應劭漢官謂太尉為周官非也

與此異

武帝元狩四年置大司馬曰冠軍將軍之號而無印綬

北堂書鈔設官部

元狩六年罷太尉法周制置司馬時議者曰為漢軍有官侯千人

司馬故加大為大司馬所曰別異大小司馬之號

續漢百官志一補注

三司之職司馬主兵漢承秦曰太尉武帝改曰大司馬無印綬官

兼加而已世祖改曰太尉

太平御覽職官部案引作漢官序

張衡云

案太平御覽引作河開相張衡說

明帝更司馬司空府欲復更太尉府

案

平御覽引作明帝曰為司徒司空府已榮欲更治太尉府

時公南陽趙熹也

案太平御覽引有南陽二字

西

曹掾安眾鄭均素好名節曰為朝廷新造北宮整飭官寺旱魃為

虐民不堪命會無殷湯六事周宣雲漢之辭今府本館陶公主第

舍員職既少自足相容熹表陳之卽聽許其冬臨辟雍歷二府見皆壯麗而太尉府獨卑陋顯宗東顧歎息曰椎牛縱酒勿令乞兒爲宰時憲子世爲侍中驂乘歸具白之憲已爲恨頻譴責均均自効去道發病亡續漢百官志一補注太平御覽職官部

章帝詔曰司空牟融典職六年勤勞不怠其已融爲太尉錄尚書事北堂書鈔設官部藝文類聚職官部兩引太平御覽職官部兩引

殤帝策書曰司徒徐防已臺閣機密施政牧守其已防爲太尉錄尚書事百官總己已聽藝文類聚職官部

太尉司徒司空長史秩比千石號爲毗佐三台助成鼎味太平御覽職官部

東西曹掾比四百石餘掾比三百石賊曹主盜賊之事後漢書鉞期傳注

決曹主罪法事後漢書王霸傳

官騎二十二人續漢百官志一補注

王莽時議曰漢無司徒官故定三公之號曰大司馬大司徒大司

空世祖卽位因而不改

續漢百官志一補注

漢儀曰司徒府與蒼龍闕對厭于尊者不敢號府應劭曰此不然

丞相舊位在長安時有四出門隨時聽事明帝東京本欲依之迫

于太尉司空但爲東西門耳每國有大議天子車駕親幸其殿

志一補注通典職官案應劭曰曰下是漢官儀之文

相國丞相皆六國時官

通典職官

丞相有疾御史大夫三日一問起居百官亦如之

案藝文類聚引作百僚亦然

朝廷遣中使太醫高手膳羞絡繹及瘳視事尚書令若光祿大夫

賜曰養牛上尊酒

藝文類聚職官部太平御覽職官部

丞相見免乘驄馬自府歸

說文繫傳十九

武帝置丞相司直元壽二年改丞相爲大司徒司直仍舊今省

後漢

書光武紀注



司徒府掾屬三十一人秩千石令史及御屬三十六人後漢書光武紀注

冀傳

綏和元年罷御史大夫官法周制初置司空議者又曰縣道官獄

司空故覆加大為大司空亦所已別大小之文續漢百官志一補注

御史大夫尚書令司隸校尉皆專席號三獨坐後漢書王常傳注

大司空朱博奏高皇帝置御史大夫位次丞相北堂書鈔設官部

司空騎吏已下阜袴因秦水行今漢家火行宜絳袴太平御覽服章部

三公聽採長史臧否人所疾苦還條奏之是為舉謠言也頃者舉

謠言屬令史都會殿上主者大言州郡行狀云何善者同聲稱之

不善者默爾銜枚後漢書蔡邕傳注范滂傳注

今司徒太尉下書州郡文皆稱公蓋倉頡作書自環者謂之私背

私者謂之公案通典職官引下有韓子曰背私曰公七字春秋九命作宰天子御坐即

起其興案其興當作為下凡拜天子臨軒六百石已上悉會直事

在與見通典

卿贊御史授

案當脫印綬二字見通典

公三讓然後乃受之漢禮儀曰天子稱

尊號曰皇帝言曰制補制言曰詔稱民有言有辭曰陛下今皆施

行詩云肅肅王命仲山甫將之邦國若不仲山甫明之詔令之義

三公三人曰承君蓋由鼎有足故易曰鼎象也

北堂書鈔設官部案通典職官引作

鼎足三者三光也

羣臣上書公卿校尉諸將不言姓凡制書皆稱璽封尚書令重封

惟赦贖令司徒印露布州郡也

後漢書鮑昱傳注

世祖詔

案北堂書鈔引作中興甲寅詔書

方今選舉賢佞朱紫錯用丞相故事四

科取士一曰德行高妙志節清白二曰學通行修經中博士三曰

明達法令足已決疑能案章覆問文中御史四曰剛毅多略遭事

不惑明足已決才任三輔令皆有孝悌廉公之行自今已後審四

科辟召及刺史二千石察茂才尤異孝廉之吏務盡實覈選擇英

俊賢行廉潔平端于縣邑務授試已職有非其人臨計過署不便

習官事書疏不端正不如詔書有司奏罪名竝正舉者又舊河隄  
謁者世祖改曰三府掾屬爲謁者領之遷起御史中丞刺史或爲  
小郡監察黎陽謁者世祖曰幽并州兵驕定天下案後漢書竇憲傳注引作光武  
中興又定故于黎陽立營曰謁者監之兵騎千人復除甚重謁者  
任輕多放情態順帝改用公解府掾有清名威重者遷起牧守焉  
續漢百官志一補注北堂書鈔設官部案後漢書和帝紀注太平御覽治道部引作建初八年十二月己未詔書文略同唯無何

三公府有長史一人後漢書梁冀傳注

將軍周官也趙王曰李牧爲將軍破秦始受大名王翦灌嬰竝爲

之北堂書鈔設官部

將軍周官也漢興置大將軍位丞相上北堂書鈔設官部

和帝曰竇憲爲大將軍乃冠三公太平御覽職官部

梁冀爲大將軍曰三世姻媾援立之功公卿希自上比周霍舉高

第茂才官屬皆倍餘府

太平御覽職官部

鼓吹二十人非常員舍人十人

續漢百官志一補注通典職官

鼓吹為國盤娛禦侮爪牙

北堂書鈔儀飾部

漢興置驃騎將軍位次丞相是日漢百官志云驃騎將軍秩與大

將軍同

北堂書鈔設官部太平御覽職官部

章帝曰元舅馬防為車騎將軍服銀印青綬位在卿上絕席

續漢輿服志

志下補注北堂書鈔設官部太平御覽職官部

和帝曰竇憲為車騎將軍賜金印紫綬位次司空

續漢輿服志下補注北堂書鈔

設官部

武帝西征西夷有前後左右將軍為國爪牙所日揚示威靈折衝

萬里

北堂書鈔設官部

度遼將軍孝武皇帝初用范明友明帝十八年

案當云八年目中郎將吳常見明帝

紀行度遼將軍事安帝元初元年置真銀印青綬秩二千石長史

司馬六百石

續漢百官志一補注

度遼將軍屯五原曼柏縣

後漢書安帝紀注

將軍掾屬二十九人中大夫無員令史四十一人

後漢書東平憲王傳注

太常古官也書曰伯夷典朕三禮帝曰咨伯汝作秩宗百官公卿

表云太常古官云伯夷也

北堂書鈔設官部

太常古官也書曰伯夷欲令國家盛大社稷常存故稱太常曰列

侯爲之重宗廟也

後漢書光武紀注北堂書設官部

北海周澤爲太常齋有疾其妻憐其年老被病窺內問之澤大怒

曰爲干齋掾吏叩頭爭之不聽遂取送詔獄竝自劾謝議者非其

激發不實諺曰居世不諧爲太常妻一歲三百六十日三百五十

九日齋一日不齋醉如泥既作事復低迷

初學記職官部燕文類聚職官部太平御覽職

官部

卿彰也明也言當背邪向正彰有道德

北堂書鈔設官部

太史令屬太常

案張衡傳注引有此二字

秩六百石掌天時星厯凡歲奏新年

厯凡國祭祀喪娶之事奏良日國有瑞應災異掌記之

後漢書張衡傳注太

平御覽職官部案太

平御覽引作應劭曰

太史令秩六百石望郎三十人掌故三十人昔在顓頊南正重司

天火正黎司地唐虞之際分命羲和厯象日月星辰敬授民時至

于夏后殷周世序其官皆精研術數窮神知化當春秋時魯有梓

慎習有卜偃宋有子章鄭有裨竈觀乎天文曰察時變其言屢中

有備無害漢興甘石唐都司馬父子抑亦次焉末塗偷進苟忝茲

階既闔候望競飭邪偽曰以為吉莫之懲糾

太平御覽職官部案引應劭曰

張溫字伯慎穰人也封元鄉侯太史奏言有大臣誅死董卓取溫

笞殺于市而厭之

後漢書贊武傳注

博士秦官也博者通博古今士者辨于然否

案魏文類聚太平御覽引有博者曰下十

二孝武建元五年

案朱浮傳注引初置五經博士秩六百石案太平御覽

此四字有後增至十四人太常差次有聰明威重者一人為祭酒總

領綱紀其舉狀曰生事愛敬喪沒如禮通易尚書孝經論語兼綜

載籍窮微闡奧隱居樂道不求聞達身無金痍痼疾世六屬不與

妖惡交通王侯賞賜行應四科經任博士下言某官某甲保舉後漢

書朱浮傳注載文類聚職官部太平御覽職官部

光武中興恢宏稽古易有施孟梁邱賀京房書有歐陽和伯夏侯

勝建詩有申公轅固韓嬰春秋有嚴彭祖顏安樂禮有戴德戴勝

凡十四博士太常差選有聰明威重一人為祭酒總領綱紀也後漢

書徐防傳注

漢置博士祭酒一人秩六百石唐六典二十一

文帝博士七十餘人為待詔博士朝服元端章甫冠唐六典二十一

博士入平尚書出部刺史諸侯相次轉諫大夫北堂書鈔設官部

博士限年五十已上

後漢書楊仁傳注

秘書監一人秩六百石後漢書桓帝紀注唐六典十

大子樂令一人秩六百石後漢書明帝紀注

置陵園令食監各一人秩皆六百石後漢書皇后紀注

憲陵園丞秩三百石陽陵令秩六百石後漢書段熲傳注

丞皆選孝廉郎年少薄伐者遷補府長史都官令侯司馬續漢百官志二

注

光明也祿爵也勲功也言光六典郎謁諸虎賁羽林舉不安得賞

不失勞故曰光祿勲太平御覽職官部

光祿勲有南北廬主事三署主事案後漢書張霸傳注光祿勲主事見漢官儀

于諸郎之中察茂才高第者為之秩四百石次補尚書郎出宰百

里唐六典一

光祿有主簿唐六典十五

光祿舉敦厚質樸遜讓節儉此為四行後漢書吳祐傳注范滂傳注



五官中郎將秦官也秩比二千石三署郎屬焉太平御覽職官部

五官左右中郎將秦官也秩比二千石凡郎官皆主更直執戟宿

衛北堂書鈔設官部

郎中令屬官有五官中郎將左右中郎將曰三署署中各有中郎

議郎侍郎郎中皆無員外多至千人主執戟衛宮陛及諸虎賁羽

林郎皆屬焉謂之郎中令者言領諸郎而為之長初學記職官部案續漢志無郎

中令

三署謂五官署也左右署各置中郎將曰司之郡國舉孝廉曰補

三署郎年五十以上屬五官其次分在左右署凡有中郎議郎侍

郎郎中四等無員後漢書和帝紀注

建武二十四年遣中郎將段郴迎單于于五原塞北堂書鈔設官部

虎賁中郎將古官也書稱武王伐紂戎車三百兩虎賁八百人擒

紂于牧之野言其猛怒如虎之奔赴也孝武建元三年初置期門

案順帝紀注引有孝武已下十字北平帝元始元年更名虎賁郎

堂書鈔引作孝武皇帝初置期門

案白帖七十五引古有勇者孟賁改奔為賁中郎將冠兩鵝尾

更名虎賁中郎將

平御覽服章部鵝鷩鳥中之果勁者也每所攫撮應爪摧碎闕不

引冠下有插字鵝鷩鳥中之果勁者也每所攫撮應爪摧碎闕不

死不止案北堂書鈔引鵝尾上黨所貢也後漢書順帝紀注北堂

食部太平御覽職官部服章部

虎賁中郎將衣紗縠禪衣虎錦袴餘郎亦然漢書江充傳注北堂

學記寶器部太平御覽服章部兩引布帛部

虎賁千五百人戴鵝尾屬虎賁中郎將後漢書光武紀注

武帝太初元年初置建章營騎後更名羽林已天有羽林之星故

取名焉又取從軍死事之子孫養羽林官教已五兵號曰羽林孤

兒光武中興已征伐之士勞苦者為之故曰羽林士後漢書順

羽林者言其為國羽翼如林盛也皆冠鵝冠一名為嚴郎言其侮

禦嚴厲其後簡取五營高才列為左右監羽林父死子繼與虎賁

同廣韻九慶注太平御覽職官部

羽林郎出補三百石丞尉自占丞尉小縣丞尉三百石其次四百

石比秩為真皆所已優之後漢書和帝紀注

羽林左右監屬光祿後漢書來歷傳注

羽林左監主羽林八百人右監主九百人後漢書安帝紀注

羽林左騎秩六百石領羽林屬光祿勳後漢書曹案發傳注

光祿大夫秩比二千石不言屬光祿勳案發傳注光祿勳門外

特施行焉呂旌別之藝文類聚職官部白帖七十五

成帝時王延世呂校尉領河隄語曰案語當東郡汝河流漂二州

校尉延世隄防立塞改為河平元年惟延世長于計策功費約省

呂延世為光祿大夫秩二千石北堂書鈔政術部

天子二十七大夫職在言議毗亮九卿無員多至數十人北堂書鈔設官部

登高能作賦可已爲大夫感物造端才知深美可與國事故舉爲

列大夫古者諸侯卿大夫交接鄰國已微言相感當揖讓之時必

稱時

家時當作詩

已喻其志別賢不肖而觀盛衰焉

北堂書鈔設官部

議郎郎中秦官也議郎秩比六百石特徵賢良方正敦朴有道第

公府掾試博士者拜郎中

北堂書鈔設官部

議郎十二人秩比六百石不屬署不直事侍御史遷補博士諸侯

主郎中令

北堂書鈔設官部

謁者僕射秦官也僕主也古者重武事每官必有主射已督課之

後漢書光武紀注北堂書鈔設官部

孝明皇帝丁酉詔書曰謁者堯之尊官所已試舜于四門

北堂書鈔設官部

明帝詔書昔燕太子使荆軻劫始皇變起兩楹之間其後謁者之

引客持匕首劒刺腋高祖偃武行文故易之已版

北堂書鈔設官部

謁者皆著細纈大冠白絹單衣

北堂書鈔衣冠部太平御覽服章部

謁者三十人秩四百石掌報章奏事及喪弔祭享

北堂書鈔設官部

謁者三十五人己郎中秩滿歲稱給事未滿歲稱灌謁者

後漢書雷義傳

舊河隄謁者居之

水經注濟水

公車司馬令周官也秩六百石冠一梁掌殿司馬門夜徼宮中天下

上事及闕下

案和帝紀注引作諸上書詣闕下者皆集奏之

凡所徵召皆總領之李郃

己公車司馬入為侍中

漢書百官公卿表注後漢書光武紀注和帝紀注三輔黃圖二北堂書鈔設官部次

平御覽職官部

北宮衛士令一人秩六百石

後漢書譙元傳注

凡居宮中皆施籍于掖門案姓名當入者本官為封檄傳審印信

然後受之

後漢書竇武傳注

崇賢門內德陽殿

後漢書順帝紀注

未央大殿長樂承華等殿令

案文選東京賦注引漢有承華殿

皆秩六百石

後漢書和

帝紀注三輔黃圖六

牧師諸苑三十六所分置西北邊分養馬三十萬頭

後漢百官公卿表注後漢

書和帝紀注

廷尉責案上御史臺

通典職官

光武時有已疑獄見廷尉曹史張禹所問輒對處當詳理于是冊

免廷尉已禹代之雖越次而授亦足已厲其臣節也

通典職官太平御覽職官

部

秦置典客掌諸侯及歸義蠻夷漢因之景帝更名大行令武帝改

曰大鴻臚

初學記職官部

鴻臚景帝置

北堂書鈔設官部

皇帝延諸侯王賓王諸侯皆屬大鴻臚故其薨奏其迹賜與諡及

哀策諫文

通典職官

昔唐虞賓于四門此則禮賓之制鴻臚之任亦同

初學記職官部

宗正卿秩中二千石

後漢書安帝紀注

長公主傅一人私府長一人食官一人永巷長一人家令一人秩

皆六百石各有員吏而鄉公主傅一人秩六百石僕一人六百石

家乘一人三百石

後漢書皇后紀注

長公主官屬傅一人員吏五人駙僕射五人私府食官永巷長令

家令各一人

後漢書鄧晨傳注

大司農古官也唐虞分命羲和四子敬授民時高祖受命懲秦之弊與民休息逮至文景國家無事家給人足京師之錢累一日巨萬貫朽而不可校太倉之粟陳陳相因充溢露積腐敗而不可食

北堂書鈔設官部職文類聚職官部太平御覽職官部

初秦置治粟內史掌穀貨漢因之景帝更名大農令武帝更名大司農王莽改曰羲和又改為納言東漢復曰大司農

初學記職官部白帖七十

五丞二千石續漢志百官三補注案此條引作應劭漢官秩

平準令一人秩六百石後漢書靈帝紀注

廩犧令一人秩六百石後漢書和帝紀注董鈞傳注

少府掌山澤陂池之稅名曰禁錢已給私養自別為藏少者小也

故稱少府秩中二千石大用由司農小用由少府故曰小藏北堂書鈔

設官部

少者小也小故稱少府王者已租稅為公用山澤陂池之稅已供

王之私用古皆作小府續漢百官志三補注案引作漢官太平御覽職官部引漢官率尹下曰少府言別

為少藏故曰少府

田租芻蕘已給經用凶年山澤魚鹽市稅少府已給私用續漢百官志三

注

太醫令周官也兩梁冠秩千石丞三百石北堂書鈔設官部太平御覽職官部

太醫令一人秩六百石後漢書安帝紀注



太官令兩梁冠秩千石丞四人邵孝廉年五十清修聰明者光祿

上名迺召拜比秩四百石三歲為令已供養勞苦遷案此下當左

丞有湯官丞案當云有左丞掌諸甘配案當云有甘丞掌諸甘肥有

菓丞掌菓瓜菜茹薪炭皆見續漢書志及補注

太官令秩一千石桓帝延熹元年使太官令得補二千石置四丞

唐六典十五

太官主膳羞也後漢書皇后紀注案光武紀注引口實膳羞之事也

太官丞官也在外掌菓瓜菓茹太平御覽茶茹部

太官右監丞秩比六百石後漢書桓帝紀注

守官令一人秩六百石後漢書桓帝紀注

鴻苑令一人秩六百石後漢書桓帝紀注案鴻德二字從德苑令一人秩六百石桓帝紀注引小字別之下凡倣此

侍中周官也案太平御覽一段侍中便蕃左右與帝升降卒思案北

切引作近對拾遺補闕百察之中莫密于茲北堂書鈔設官部初學記職官部藝文類

職官部白帖七十

侍中金蟬左貂案蘇文類聚金取堅剛百鍊不耗蟬居高食潔案晉書

書與服志目在腋下案續漢志補注貂內勁悍而外溫潤案晉書

引作飲廣貂蟬不見傳記者因物論義案者上當有說字論當子覽

作柔得貂蟬不見傳記者因物論義案者上當有說字論當子覽

戰國策乃知趙武靈王胡服也其後秦始皇破趙得其冠已賜侍

中高祖滅秦亦復如之孝桓末案北堂書鈔引侍中皇權參乘問

貂蟬何法不知其說復問地震云不為災還宮左遷議郎案續漢志

補注晉書與服志北堂書鈔設官部初學記職官部

侍中冠武弁大冠亦曰惠文冠加金璫附蟬為文貂尾為飾謂之

貂蟬初學記

侍中左蟬右貂本秦丞相史往來殿中故謂之侍中分掌乘輿服

物下至褻器虎子之屬武帝時孔安國為侍中已其儒者特聽掌

御坐唾壺朝廷榮之至東京時屬少府亦無員駕出則一人負傳

國璽操斬蛇劍乘案乘上當有與中官俱止禁中案與當作與見通典後漢書

獻帝紀注太平御覽職官部

侍中秋千后初學記職官部太平御覽職官部案唐六典八引作秩比二千后續漢志百官三補注引漢官秩千后

侍中殿下稱制出則參乘佩璽抱劍北堂書鈔設官部文選恩倖傳論注太平御覽職官部

漢成帝取明經者充侍中使辟百官公卿參議可正為止殿行則

負璽舊高取一人為僕射後改為祭酒北堂書鈔設官部

史丹為侍中元帝寢疾丹已親密近臣得侍疾候上閒獨寢時丹

直入臥內頓首伏青蒲上初學記職官部太平御覽職官部

桓帝時侍中廼存藝文類聚作存野客叢書二十五作才協案才存是也才協晉人誤年老口臭

上出雞舌香與含之雞舌香頗小辛螫不敢咀咽自嫌有過得賜

毒藥歸舍辭決欲就便宜家人哀泣不知其故賴寮友諸賢聞其

憊失求視其藥出在口香咸嗤笑之更為吞食其意遂解存鄙儒

蔽于此耳北堂書鈔設官部初學記職官部藝文類聚人部太平御覽人事部職官部香部

侍中周官號曰常伯選于諸伯言其道德可常尊也

文選陳太邱碑注

侍中周成王常伯任侍中殿下稱制出即陪乘佩璽抱劔

文選東京賦注

陸王碑注

漢官表曰凡侍中左右曹諸吏散騎中常侍皆加官也

通典職官

漢因秦置侍中舍人

北堂書鈔設官部

中常侍秦官也漢興或用士人銀璫左貂光武以後專任宦者右

貂金璫

後漢書朱穆傳注太平御覽服章部

給事黃門侍郎六百石無員掌侍從左右給事中使關通中外

後漢書

紀注

給事黃門侍郎

案北堂書鈔文選注引無黃門二字下同

位次侍中侍從左右關通內

外給事于中故曰給事

案太平御覽引下有中宗

黃門侍郎獻帝置六員

北堂書鈔

設官部文選恩倖傳論注太平御覽職官部

黃門侍郎每日暮向青瑣門拜謂之夕臥

後漢書獻帝紀注

給事中秦官也漢因之無常員皆為加官

初學記職官部

漢武元鼎三年初置散騎俱掌問應對世祖省之案漢初有散騎

侍郎掌侍省皆為騎郎貲滿五萬為常侍郎張釋之曰貲為常侍

蓋此官也

北堂書鈔設官部

秦及前漢置散騎及中常侍各一人散騎騎馬立乘輿車獻可替

否

北堂書鈔設官部藝文類聚職官部白帖七十三太平御覽職官部初學記職官部

秦置散騎又置中常侍漢因之兼用士人無員多目為加官

初學記職官部

部官

黃門令秩六百石

後漢書皇后紀注

黃門有畫室署玉堂署各有長一人

初學記職官部太平御覽職官部

黃門冗從僕射一人秩六百石

後漢書后紀注

黃門鼓吹百四十五人

後漢書安帝紀注

暴室在掖庭內丞一人主宮中婦人疾病者其皇后貴人有罪亦

就此室也

後漢書皇  
后紀注

永令一人宦者為之秩六百石掌宮婢侍使

後漢書靈  
帝紀注

濯龍監六百石

續漢志百官三補注案  
此條本引作應劭漢官秩

中黃藏府掌中幣帛金銀諸貨物也

後漢書桓帝紀注案續漢  
志中藏府令一人六百石本

注曰掌中幣帛金銀  
諸貨物此衍黃字

內者署名令一人秩六百石屬少府

後漢書梁  
商傳注

內者主帷帳

後漢書皇  
后紀注

朔平署司馬一人

後漢書桓帝紀注案  
朔平署不見于續漢志

尚書令主贊奏總典紀綱無所不統秩千石故公為之朝會不陞

奏事增秩二千石天子所服五時衣賜尚書令其三公列卿將五

營校尉行複道中遇尚書僕射左右丞皆迴車豫避

案初學記職  
官部又引尚

皆迴車避也

皆迴車避也衛士傳不得紆臺官臺官過乃得去

唐六典云太  
平御覽職官

部

尚書令侍中上東西寺及侍中寺

初學記職官部

尚書令秦官銅印墨綬

案初學記一引作漢初施用士人爲尚書

與此異又案墨當作青見通

典職官與後漢

每朝會

案唐六典引

與司隸校尉御史大夫中丞

案唐六典太平御覽

皆專席坐

京師號曰三獨坐

言其尊重如此六

典一初學記職官部兩引

疏文

漢舊置中書官領尚書事

北堂書鈔設官部

僕射秩六百石公爲之加至二千石

唐六典一

獻帝建安四年始置左右僕射已執金吾營郤爲左僕射衛臻爲

右僕射

文選王文惠集序注

尚書唐虞官也書曰龍作納言朕命爲允

案疏文類聚白帖詩曰引俱有此四字

惟仲山甫王之喉舌宣王已中興秦改稱尚書漢亦尊此官典機

密也

北堂書鈔設官部疏文類聚職官部太平御覽職官部

漢明帝詔曰尚書蓋古之納言出納朕命機事不密則害成可不

北堂書鈔設官部、職官部、太平御覽職官部、

千石尚書主刺史二千石事戶曹尚書主人庶上書事主客尚書

主外國四夷事成帝加三公尚書主斷獄事

尚書秩五百石次補一千石唐六典一

初秦代少府遣吏四一在殿中主發書故號尚書尚猶主也漢因

秦置之故尚書爲中臺謁者爲外臺御史爲憲臺謂之三臺

官制文選  
正叔贈王元  
詠詩注袁紹  
檄豫州注

尚書左丞右丞秩各四百遷刺史

尚書令左丞總領綱紀無所不統僕射右丞掌廩假錢穀唐六典

左右丞、久次郎補也。北堂書鈔設官部衆引作侍臣上注。

左右曹受尚書事。前世文士已中書在右。因謂中書爲右曹。又稱

西掖初學記職官部兩引  
太平御覽職官部



尚書郎四人一人主匈奴單于營部一人主羌夷吏民一人主史  
民二字當在天下戶口土田墾作一人主錢帛貢獻委輸北堂書

此下見通典

尚書郎初從三署郎選詣尚書臺試每一郎缺則試五人先試箋

奏初入臺稱郎中滿歲稱侍郎初學記

尚書郎初上詣臺稱守尚書郎滿歲稱尚書郎中三年稱侍郎太平

御覽職官部

郎曰孝廉年未五十先試牋奏初上稱郎中滿歲為侍郎北堂書

部

尚書郎初入臺為郎中滿歲稱為侍郎五歲遷太尉也北堂書

能通蒼頡史篇索通典引補蘭臺令史滿歲補尚書令史滿歲為

尚書郎出亦與郎同宰百里郎與令史分職受書令史見僕射尚

書執板拜見丞郎執板揖唐六典一通典職官

尚書郎見左右丞對揖無敬

北堂書鈔禮儀部

丞郎見令僕射執板拜朝賀對揖丞郎見尚書執板對揖稱曰明

時案當云執板揖郎見左右丞對揖呼曰左右君唐六典一初學記職官部

尚書郎主作文書起草夜更直五日于建禮門內初學記職官部

平御覽職官部

尚書郎給青練白綾被呂錦被帷帳氈褥通中枕太官供食湯官

供麇餌五熟果實下天子一等給尚書史二人女侍史二人案初學記

引作入直空廂中皆選端正從直女侍執香爐燒從入臺護衣奏

事明光殿省皆胡粉塗畫古賢人烈女郎握蘭含香趨走丹墀奏

事黃門郎與對揖天子五時賜服案北堂書鈔引作賜珥赤若郎

處曹二年賜遷二千石刺史北堂書鈔設官部初學記職官部

尚書郎奏事明光殿省中皆胡粉塗壁其邊曰丹漆地故曰丹墀

尚書郎含雞舌香伏其下奏事黃門侍郎對揖跪受太平御覽職官部

官

尚書令僕丞郎月給赤管大筆一雙篆題曰北工作案太平御覽引作一宮工

作無下文楷于頭上象牙寸半著筆下蘇文類聚雜文部

尚書令僕丞郎月賜渝麋大墨一枚小墨一枚初學記

曹郎二人掌天下歲盡集課有尚書曹郎有考功郎中一人唐六典

武帝時館陶公主為子乞郎不許賜錢千萬上曰夫郎上應列宿

出居百里使非其人民受其傷故時稱明慎之至也北堂書鈔

漢制八座丞郎初拜竝集都座交禮遷又解交唐六典一初學記

職官

周禮有典瑞掌節之士蓋所已宣命重威為國信者也北堂書鈔

御史中丞二人本御史大夫之丞其一別在殿中兼典蘭臺秘書

外督部刺史內領侍御史受公卿章奏糾察百寮後漢書周紆傳

部太平御覽職官部案周紆傳注所引寮作同

御史秦官也案周有御史掌邦國都鄙及萬民之治令已贊冢宰

北堂書鈔設官部太平御覽職官部案引皆曰漢官儀侍臣下曰蓋其篇名也

侍御史周官也為柱下史冠法冠一曰柱後已鐵為之或說古有

獬豸獸觸邪佞故執憲者已其角形為冠耳余覽奏事云案秦當

通始皇滅楚已其君冠賜御史漢興襲秦因而不改後漢書何敞傳注初學記

職官部服食部太平御覽職官部服章部

柱史已鐵為冠張武曰當已柱史惠文冠治之銚續萬花谷十一

柱後冠左傳南冠而縶則楚冠也秦滅楚已其冠賜近臣御史服

之即今獬豸冠也古有獬薦獸案此豸薦二觸不直者故執憲已

其形用為冠令觸人也左氏正義成公九年

柱下史老聃為之秦改為御史柱下史一名柱後史謂冠已鐵為

柱言其密案當有不撓也北堂書鈔固字誤官部

侍御史出督州郡賦稅運漕軍糧侍御史至後漢復有護漕都尉

官建武七年省通典

老子為周柱下史張蒼秦時為御史主柱下方書侍御史之任也

初學記

治書侍御史宣帝嘗幸宣室齋居而決獄事令侍御史二人治書

後置秩六百石印綬與符璽郎共平治廷尉奏事北堂書鈔

蘭臺令史六人秩百石掌書劾奏後漢書班固傳注案續

執金吾比二千石丞六百石續漢志百官四補注案此條引作漢官秩

執金吾典執金革已禦非常北堂書鈔設官部

吾禦也掌執金革已禦非常緹騎二百案當有五十人案當作五

見續漢書志補注通典此五百者伍伯也與馬導從充滿于路世祖微時歎曰仕宦當

作執金吾是也續漢志百官四補注太平御覽職官部

執金吾屬官府武庫令丞案府當作有見從騎二百人案後漢書

張闡傳注引作緹騎持戟五百二十人輿服導從光滿道路羣僚之中斯最

壯矣中興已來但專徽循不預國政

北堂書鈔設官部

執金吾車駕出從六百騎走六千二百人也

北堂書鈔設官部

靜室令式道候秦官也靜宮令車駕出在前驅靜清所微車逆日

已示重慎也式道左右凡三惟車駕出迎式道持麾王宮行之乃

閉北堂書鈔設官部案續漢書志執金吾下本注云本有式道

門左右中候三人六百斤車駕出掌在前清道還持麾至宮門宮

引多譏當依彼訂

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷三十五

烏程嚴可均校輯

應劭三

漢官儀下

太子太傅曰就月將、琢磨玉質、言太子有玉之質、琢磨曰道也、

陸士衡侍宴宣猷堂詩注、劉越石勸進表注、王元長曲水詩序注、太平御覽職官部、

詹事、秦官也、詹、省也、給也、秩二千石、廣韻二十四鹽注、藝文類聚職官部、白帖七十一、太平御

覽職官部、

帝祖母為太皇太后、其所居者長信宮、文選齊敬皇后哀策文注、

帝祖母稱長信宮、帝母稱長樂宮、故有長樂、少府、長信、少府、長信

少府及職吏、皆宦者為之、後漢書皇后紀注、

永樂太僕、用中人為之、後漢書皇后紀注、

太子舍人、王家郎中、案、族稱傳注、引王家郎中、作選良家子孫、與續漢志補注引漢官同、又案通典云、比郎

中選良家子孫續漢書志云更竝秩二百石無員後漢書靈帝紀注侯霸傳注

皇太子五日至臺因坐東廂省視膳食已法制敕大官尚食宰

吏非其朝日使僕中允請問明不媒黷所已廣敬也太子僕一人

秩千石中允一人四百石主門衛徵巡後漢書班彪傳注

安帝時太子謁廟門大夫乘從兩梁冠通典職官

門大夫選四府掾屬通典職官

將作大匠世祖中興已謁者領其官章帝建初元年乃置真位次

河南尹永元七年案續漢志補注引漢官作永元十年大匠應慎上言百郡計吏觀

國之光而舍逆旅崎嶇私館貢篚之物朽溼曝露昔晉國霸之盟

主耳舍諸侯于隸人鄭子產已為大譏況今四海之大而可無乎

和帝嘉納之即創業焉續漢志補注疏文類聚職官部太平御覽職官部

左授署屬將作大匠後漢書皇甫規傳注

洛陽十二門東面三門最北名上東門次南日中東門每門校尉



一人秩二千石司馬一人秩千石候一人秩六百石後漢書張湛注  
平城門為宮門不置候置屯司馬秩二千石續漢百官志四補注  
案此條引作漢官

十二門皆有亭後漢書皇

上西門所召不純白者漢家昆干成案續漢志補注引故呂丹漆

錢之續漢志補注太平寰宇記河南道

開陽門始成未有名夜案續漢志補注有一柱來止樓上琅邪開

陽縣上言縣南城門一柱飛去光武皇帝使來識視之良是案續

補注引良遂堅縛之因刻記其年月呂名門焉後漢書循吏傳注

是作悵然注水經注穀水太平寰宇記河南道兩

屯騎越騎步兵射聲各領士七百人長水領士七千三百六十七

人後漢書安

驍騎漢官也武帝召李廣為之後世祖建武九年始改屯騎北堂

設官部

越騎司馬一人秩千石後漢書鄭

步兵校尉比二千石掌宿衛兵屬北軍中候後漢書皇

司隸校尉部河南內案內上常右扶風左馮翊京兆河東宏農七

郡案後漢書魯恭傳注引作董領京師及三輔三河宏農七郡于河南

洛陽故謂東京為司隸後漢書光武紀注

司隸校尉征和中陽石子孫敬聲案子當巫蠱之獄乃依周禮置

司隸校尉持節都督大姦猾事復置其司今董領京師三輔三河

宏農者北堂書鈔設官部

司隸校尉糾皇太子三公已下及旁州郡國無不統陛下見諸卿

皆獨席太平御覽職官部

司隸校尉初置唯實領王章鮑宣糾上檢下嚴刑必斷貴戚憚之

京師政清北堂書鈔設官部

司隸都官從事主洛陽百官朝會與三府掾同後漢書竇武傳注北堂書鈔設官部

案北堂書鈔引作掌洛陽中百姓

司隸功曹從事即治中也後漢書傳燮傳注太平御覽職官部

別駕秩百石同諸郡從事北堂書鈔設官部

河南尹所治周地也洛陽本周城案周城當作成周周之衰微分為西周

案西上當有東字東周洛陽西周河南秦兼天下置三川守河雒伊也案藝文類聚引河雒伊作

洛陽漢更名河南孝武皇帝增曰太守世祖中興徙都雒陽改號

為尹尹正也詩曰赫赫師尹藝文類聚地部職官部太平御覽職官部

尹正也郡府聽事壁諸尹畫贊肇自建武訖于陽嘉注其清濁進

退所謂不隱過不虛譽甚得述事之實後人是瞻足已勸懼雖春

秋采毫毛之善貶纖介之惡不避王公無已過此尤著明也續漢志一郡國

補注

仁恕掾正獄屬河南尹後漢書魯恭傳注

周監二代曰伯漢興海內未定令刺史舉州事

北堂書鈔設官部

孝武皇帝南平百越北攘夷狄置交趾朔方之州復徐梁之地改

雍曰梁改梁曰益凡十三州所曰交朔獨不稱州明示帝王未必

相襲始開北方遂交南方爲子孫基趾也

後漢書光武紀注太平御覽職官部

孝武元封四年始御史丞相之選部刺史十三人乘驛奏事

北堂書鈔

設官部

朱博言刺史督察郡國從來故事居九歲

案居下當有部字

爲守相

北堂書鈔

設官部

翟方進奏刺史位下大夫而臨二千石輕重失次請罷署牧

案署當作

置見通典所載何秩二千石者也

北堂書鈔設官部

元帝時丞相于定國條州大小爲設吏員治中別駕諸部從事秩

皆百石同諸郡從事

北堂書鈔設官部設平御覽職官部

秦用李斯議分天下爲三十六郡凡郡或曰列國陳魯齊吳是也

或曰舊邑長沙丹陽是也或曰列國陳山山陽是也或曰川源西

河河東是也或曰所出金城城下有金酒泉泉味如酒案初學記

文類聚水部太平御覽地部引酒泉豫章章樹生庭中案水經注

其下有金泉泉味如酒故曰酒泉御覽水部俱引此句鴈門鴈之所畜是也或曰號令禹合諸侯大計東治之

山會稽是也水經注河水太平御覽州郡部

京兆絕高曰京京大也十億曰兆欲令帝都殷盈也左輔右弼

翊承風也張掖始開墾張臂掖也太平御覽州郡部案後漢書

馮輔蕃翊故曰為名太平御覽州郡部

宏大也所曰廣大農業也太平御覽州郡部

濟南樂安齊國東萊平原北海六郡青州所管也青州在齊國臨

淄後漢書史

荊州管長沙零陵桂陽南陽江陵案陵當武陵南郡案續漢書志

荆州郡七此

上是也下章陵乃章陵後漢書劉表傳注

大府秩二千石丞一人邊郡稱長史皆六百石丞者丞也長史眾

史之長北堂書鈔設官部

都尉秦官也本名郡尉掌左太守典其武職秩比二千石孝景時

更名都尉後漢書彭修傳注

秦郡有尉一人典兵禁補盜賊案補當作備景帝更名都尉建武

十年省惟邊郡置都尉及屬國都尉後漢書桓帝紀注

京兆虎牙扶風都尉案耿恭傳注引有曰涼州近羌數犯三輔將

兵衛護園陵扶風都尉居雍縣故俗人稱雍營焉後漢書安帝紀注耿恭傳注

憲傳注南甸以傳注

蓋天生五材民竝用之廢一不可誰能去兵兵之設尚矣易稱弦

木為弧剡木為矢弧矢之利已威天下春秋三時務農一時講武

詩美公劉匪居匪康入耕出戰乃裹餼糧干戈戢揚四方莫當自

郡國罷材官騎士之後官無警備實啓寇心一方有難三面救之  
發興雷震煙蒸電激一切取辦黔首嚮然不及講其射御用其戒  
警一旦驅之已卽強敵猶鳩鵲捕鷹鷂豚羊弋豺虎是已每戰常  
負王旅張角懷挾妖僞遐邇播蕩八州竝發煙炎絳天牧守泉裂  
流血成川爾乃遠徵三邊殊俗之兵非我族類忿鷙縱橫多僇良  
善已爲己功財貨糞土哀夫民氓遷流之咎見出在茲不教而戰  
是謂棄之跡其禍敗豈虛也哉春秋家不藏甲所曰一國威抑私  
力也今雖四海殘壞王命未洽折衝歷難若指于掌故置右扶風  
案此下當脫文續

漢志百官五補注

世祖中興海內人民可得而數裁十二三邊陲蕭條靡有孑遺郡  
塞破壞亭隊絕滅建武二十一年始遣中郎將馬援謁者分築烽  
候堡壁稍興立郡縣十餘萬戶案二字有誤或空置太守令長招還人  
民上笑曰今邊無人而設長吏治之難如春秋素王矣乃建立三

營屯田殖穀弛刑謫徒已充實之

續漢郡國志五補注

高祖命天下郡國選能引關蹶張材力武猛者已爲輕車騎士材官樓船常已立秋後講詣課試各有員數平地用車騎山阻用材官水泉用樓船

後漢書光武紀注

民年二十三爲正一歲已爲衛士一歲爲材官騎士習射御騎馳戰陣八月太守都尉令長相丞尉會郡試課殿最水家爲樓船亦習戰射行船過郡太守各將萬騎行郭塞烽火追虞置長史一人丞二人治兵民當兵行長領置部尉千人司馬候農都尉皆不治兵不給衛士材官樓船年五十六老衰乃得免爲民就田應合選爲亭長亭長課徼巡尉皆習設備五兵五兵弓弩戟楯刀劍甲鎧鼓吏赤幘行滕帶劍佩刀持楯被甲設矛戟習射設十里一亭亭長亭候五里一郵郵間相去二里半司姦盜亭長持二尺版已効賊索繩已收執賊

續漢百官志五補注案此條亦見漢傳儀



督郵功曹郡之極位

後漢書張

孝廉古之貢士、耆儒甲科之謂也

北堂書鈔設官部

孝廉年未五十、先試箋奏、初上試之、曰事非試之、曰誦也

北堂書鈔設官部

孝武元封四年、詔曰、上士貢名、茂才是也

北堂書鈔設官部

元朔元年、詔二千石舉孝廉、曰化風俗

北堂書鈔設官部

元朔元年、詔曰、深詔執事、興孝廉、成風俗、紹聖緒

北堂書鈔設官部

和帝詔曰、大郡口五十萬、舉孝廉二人

北堂書鈔設官部

前書百官表云、萬戶曰上、為令、萬戶曰下、為長、三邊始孝武皇帝

所開縣戶數百、而或為令、荆揚江南七郡、惟有臨湘南昌吳三令

爾、及南陽穰中土沃民稠、四五萬戶、而為長、桓帝時、曰江南陽安

為女公主邑、改號為令、主薨復復其故、若此為繫其本俗說、令長

曰水土為之、及秩高下、皆無明文、班固通儒述一代之書、斯近其

真續漢百官志五補注

明帝臨觀見洛陽令車騎意河南尹及至而非尤其太盛敕去軒

綏時偃師長治有能名目事詣臺因取賜之下縣遂曰為故事典通

職官太平御覽職官部

大縣丞左右尉所謂命卿三人小縣一尉一丞命卿二人續漢百官志五

補注通典職官部平御覽職官部

北邊郡庫官之兵器所藏故置令漢書成帝紀注河

使匈奴中郎將擁節秩比二千石後漢書光武紀注

使匈奴中郎將屯西河美稷縣後漢書光武紀注

擁節屯中步南設官府掾史單于歲遣侍子來朝謁者常送迎焉

得賂弓馬氈罽他物百餘萬謁者事訖還具表付帑藏詔書敕自

受續漢百官志五補注

護烏桓校尉孝武帝時烏桓屬漢始于幽州置之擁節監領秩比

二千石

太平御覽職官部

烏桓校尉屯上谷密縣

後漢書張與傳注

擁節長史一人司馬二人皆六百石竝領鮮卑客賜質子歲時胡

市馬

續漢百官志五補注案此屬烏桓校尉

護羌校尉武帝置秩比二千石持節詔護西羌王莽亂遂罷時班

彪議宜復其官詔理冤結帝從之詔牛邯爲護羌校都尉于隴西

令居縣

後漢書光武紀注

擁節長史司馬二人皆六百石

續漢百官志五補注案此屬護羌校尉史字下亦當有一人二字

戊己中央鎮撫四方又開渠播種詔爲厭勝故稱戊己焉

後漢書明帝紀

注西域傳注案戊己校尉不見于續漢志

西域都護武皇帝始開通西域三十六國其後稍分至五十餘國

置使者校尉詔領護之宣帝神雀三年改曰都護秩二千石平帝

時省都護令戊己都護領之

太平御覽職官部

馬曰羈牛曰縻言制四夷如牛馬之受羈縻史記司馬相如列傳索隱文選難蜀父老

諸侯功德優盛朝廷所敬異者賜位特進在三公下其次朝廷案

當作在九卿下其次侍祠侯其次下士小國侯案續漢書志無此

內曰肺腑親公王子孫奉墳墓于京師亦隨時朝見是為限諸侯案限當作猥後漢書

和帝紀注鄧禹傳注

皇后父兄率為特進侯朝會位次三公故章帝啟馬太后曰漢典

舅氏之封侯猶皇子之為王其功臣四姓為朝侯侍祠侯皆在卿

校下通典職官

天子建侯上法四七後漢書劉瑜傳注

伯使主為諸侯官驅使避路于道陌中故言伯使通典職官引云漢官中有伯使

云

太保俸月三百五十斛唐六典一

中二千石俸月百八十斛

史記外國世家索隱

二千石其俸月百三十斛

史記外國世家索隱

斗食月俸一十斛佐史月俸八斛

漢書百官公卿表注通典職官

素引皆作漢官名秩海

張敞蕭望之言曰夫倉廩實而知禮節衣食足而知榮辱今小吏

俸率不足常有憂父母妻子之心雖欲潔身爲廉其勢不能請曰

什率增天下吏俸宣帝乃益天下吏俸什二

通典職官

范遷字子閭沛人也

後漢書明帝紀注牟融傳注

案凡引人名皆舉其官今不能知者總附于此

王敏字叔公并州陽城人也

後漢書明帝紀注

尹睦字伯師河南鞏州人也

後漢書和帝紀注張輔傳注

梁鮪字伯元河東平陽人也

後漢書廢帝紀注魯恭傳注

周章字次叔荊州隨縣人也

後漢書安帝紀注

李修字伯游豫州襄城人也

後漢書安帝紀注虞翻傳注李膺傳注

劉授字孟春徐州武原人也

後漢書安帝紀注楊震傳注

呂蓋字君上范陵人也

後漢書恭傳注

許訓字季師平輿人也

後漢書劉覽傳注

宋俱字伯儷

後漢書宗向傳注

陶敦字文理京兆人也

後漢書虞詡傳注

劉矩字叔方

後漢書皇甫規傳注

尹訟字公孫鞏人也

後漢書段熲傳注

樊陵字德雲

後漢書李膺傳注

劉宏字子高安眾人也

後漢書董卓傳注

賜進士出身品銜廣東等處提刑按察使司按察使兼管驛傳事務黃岡王毓藻校刊

全後漢文卷三十五終

全後漢文卷三十六

烏程嚴可均校輯

應劭

風俗通義

案風俗通義三十卷見存十卷不錄錄其佚文為六卷

易說天先春而後秋地先生而後凋日月先光而後幽是已王者則之亦先敎而後刑三皇結繩五帝畫象三王肉刑五霸黠巧疑此言步驟稍有優劣也御覽七十七

傳曰后稷冬墾田流汗而種田不生者人力非不至天時不與御覽三百八十七

俗說

天地開闢未有人民女媧搏黃土作人務劇力不暇供力一作勞

乃引繩于泥中舉目為人故富貴者黃土人貧賤凡庸者經人也

御覽七十八又三百六十

上古之時艸居露宿冬則山南夏則山北意林

大禹闕疑百品之羞而菲庖廚殷湯寐寢黃屋駕而乘露輿御覽四百

三十

孝文身履革舄而衣弋練御覽六百九十七

秦政并吞六國苞宇宙之宏敞文選齊敬皇后哀策文注

秦相趙高指鹿爲馬東蒲爲脯二世不覺文選西征賦注

不舉併生三子俗說生子至于三倡六畜言其妨父母故不舉之

也謹案春秋國語越王句踐令民生二子者與之餼生三子者與

之乳母三子力不能獨養故與乳母所目人民繁息卒滅強吳雪

會稽之恥行霸于中國也古陸終氏娶于鬼方謂之女嬪是生六

子皆爲諸侯今人多生三子子悉成長父母完安豈有天所孕育

而害其父母兄弟者哉意林御覽三百六十一

不舉寤生子俗說兒墮地便能開目視者謂之寤生舉寤生子妨

父母謹案春秋左氏傳鄭武公娶于申曰武姜生莊公及共叔段



莊公寤生驚姜氏因名寤生武公老終天年姜氏亦然安有妨其父母乎御覽三百六十一

不舉父同月子俗云妨父也謹案左氏傳桓公之子與父同月生因名子同漢明帝亦與光武同月生意林御覽三百六十一

不舉生鬢鬚子俗說人十四五乃當生鬢鬚今生而有之妨害父母也謹案周書靈王生而有鬚王甚神聖亦克修其職諸侯服享

二世休和安在其有害乎御覽三百七十四

不宜歸生俗云令人衰案婦人好曰女易他男故不許歸意林

宅不西益俗說西者爲上上益宅者妨家長也原其所曰西上者

禮記南向北向西方爲上爾雅曰西南隅謂之隅尊長之處也不

西益者難一作動搖之耳審西益有害增廣三面豈能獨吉乎藝文

類聚六十四御覽一百八十

無恙俗說恙病也凡人相見及通書問皆曰無恙謹案易傳上古

之世、艸居露宿、恙噬人蟲也、善食人心、故俗相勞問者云無恙、非  
為病也、匡謬正俗八、藪文類聚七十五、史記刺客傳、紫隱、意林、御覽三百七十六、又七百三十九、

菹臠、俗說臘正旦一作祖、食得菹臠者、名之曰幸、賞曰寒酒、幸者善

祥、令人吉利也、或說食菹臠者、令人面免生瘡、露見醜惡、今覺得

之、嘉不為已疾也、謹案尚書夏禹始作肉刑、則天象而慎其過、故

穿窬盜竊者、臠者、去膝蓋骨也、臠者去膝蓋五字、舊脫、依漢書武帝紀注補之、語方完、逮

至暴秦、亂獄糾紛、烹俎車裂、車裂下一有、抽脅二字、黔首窮愁、飲泣永歎、凡

人食得菹臠、曰為佳瑞、物類相感、冀全已之體也、藪文類聚五、初學記二十九、御

覽三十三、又六百四十八、又九百七十、

俗說臨日月薄蝕、而飲令人蝕口、謹案日太陽之精、君之象也、日

有蝕之、天子不舉樂、里語不救蝕者、出行遇雨、恐有安坐飲食重

慎也、御覽八百四十九、

俗說雷不作、醬雷聲發不作、醬何也、令人腹內雷鳴也、謹案子路

感雷精而生尚剛好勇死衛人醢之孔子覆醢每聞雷心惻怛耳

北堂書鈔百四十六

御覽八百六十五

堪輿書云上朔會客必鬪爭案劉君陽爲南陽牧嘗上朔設盛饌

了無鬪者御覽八百四十九

俗云五月到官至免俗死字不遷今年有茂才除蕭令五月到官

破日入舍視事五月四府所表遷武陵令余爲營陵令正觸大歲

主簿令余東北上余不從在事五月遷太山守林意

俗說二人共澡手令人鬪爭良無異器共當澡者其祝曰人相愛

狗相齧言狗鬪時洒之呂水便自解也御覽四百九十六

坐不移樽俗說凡宴飲者移轉樽酒令人鬪爭一作訟讞御覽四百九十六又七百

六十

俗說帷帳不可作衣令人病痛書鈔百三十

俗說臥枕戶砌鬼陷其頭令人病顛御覽七百三十九

五月蓋屋令人頭禿

初學記四御覽三十一

諸郭皆禿

顏氏家訓書證篇下云當是前代人有姓郭而病禿者

雞伏鴨卵雞成入水雞母隨岸呼之雞出而隨母鴨雞異類能相

隨也

御覽九百十八

呼雞曰朱朱俗說雞本朱公

一作朱氏翁

化而爲之今呼雞皆朱朱也

謹案說文解字𪔐二口爲謹𪔐其聲也讀若祝祝者誘致禽畜和

順之意𪔐與朱音相侶耳

初學記三十御覽九百十八

呼虎爲李耳俗說虎本南郡中廬李氏公所化爲呼李耳因喜呼

班便怒

御覽八百九十一

肅肅蝦蟇掉尾俗說蝦蟇一跳八尺再跳丈六從春至冬袒裸相

逐無它所作掉尾肅肅謹案蝦蟇既處水中其尾又短正使能掉

之豈能肅肅乎原其所曰當言夏馬夏馬患蠅蚋掉尾振擊

一作擊之

常肅肅也蝦蟇夏馬音相侶

藝文類聚九十三御覽九百四十九

戶律漢中巴蜀廣漢自擇伏日俗說漢中巴蜀廣漢土地溫暑艸木早生晚枯氣異中國夷狄畜之故令自擇伏日也謹案漢書高帝分四郡之眾用良平之策還定三秦席卷天下蓋君子所因者本也諸公定封加呂金帛重複寵異令自擇伏日不同於風俗也

藝文類聚五  
御覽三十一

赤春俗說赤春從人假貸皆自乏之時謹案詩曰春日載陽有鳴鵲鵲月令衣青衣服蒼玉又爾雅春曰青陽凡三春時不得服赤也今里語曰相斥角牛原其所言言牛不當斥角春不當從人求索也斥與赤音相侶

御覽二十

夏至著五綵辟兵題曰游光厲鬼知其名者無溫疾五綵辟五兵也案人取新斷織繫戶亦此類也謹案織取新斷二三寸帛綴著衣衾已織維疑告成于諸姑也後世彌文易曰五綵又永建中京師大疫云厲鬼字野重游光亦但流言無指見之者其後歲歲

有病人情愁怖復增題之冀已脫禍今家人織新練皆取著後練

絹二寸許繫戶上此其驗

一作義

也御覽二十三

五月五日賜五色續命絲

一作縷

俗說已益人命

載文類聚四初學記四御覽八百十

四

五月五日呂五綵絲繫臂者辟兵及鬼令人不病溫又曰亦因屈

原

載文類聚四初學記四御覽三十一

五月五日集五色續辟兵余問服君服君曰青赤白黑呂為四方

黃為中央變方綴于臂前呂示婦人蠶

一作訖

功也織麥麴懸于門

呂示農工成傳

即轉字

聲呂變為辟兵耳

御覽三十一注云麴麥蘖也

織女七夕當渡河使鵲為橋

歲華紀麗

俗說高祖與項羽

一作備

戰敗于京索閒遁叢薄中羽追求之時鳩

正鳴其上追者呂為必無人

一作追者不疑一云追者呂鳥在無人

遂得脫及即位

異此鳥故作鳩杖呂賜老人也謹案少皞五鳩鳩民者聚民也周

體羅氏獻鳩養老漢無羅氏故作鳩杖曰扶老水經注七載文類聚九十二御覽七

百十七又九百二十一太平廣記五十二

禹入裸國欣起而解裳俗說禹治洪水乃播入裸國君子入俗不改其恆于是欣然而解裳也原其所自當言皆裳裸國今吳郡是也被髮文身裸曰爲飾蓋正朔所不及也猥見大聖之君悅禹文德欣然皆著衣裳矣御覽六百九十六

眾口鑠金俗說有美金于此眾人咸共誣訾言其不純賣金者欲其售因取鍛燒曰見真此所謂眾口鑠金御覽八百一十一

眾心成城俗說眾人同心者可共築起一城同心共飲雒陽酒可盡也藝文類聚六十三

錢刀俗說害中有利利旁有刀言人治下率多得錢財者必有刀劍之禍也御覽八百三十六

燒穰殺瓠俗說家人燒黍穰則使田中瓠枯死也御覽九百七十九

城門失火禍及池中魚俗說池中魚

中讀曰仲

人姓字居近城城門失

火延及其家仲魚燒死謹案百家書宋城門失火因汲取池中水

曰沃灌之池中空竭魚悉露見

一作死

但就取

一作把

之喻惡之滋并

中傷良謹

一作善類也

藝文類聚八十八又九十六意林御覽八百七十八又九百三十五通鑑注梁紀十六

兩祖俗說齊人有女二人求之東家子醜而富西家子好而貧父

母疑不能決問其女定所欲適難指斥言者偏袒令我知之女便

兩袒問其故云欲東家食西家宿此為兩袒者也

藝文類聚四十七御覽三百八十八

二引云齊有一女二家求之其家語其女曰汝欲東家則左袒欲西家則右袒其女兩袒父母問其故對曰願東家食而西家息曰

東家富而西家貧而美也

夜繹俗說市買者當清旦而行日中交易所有夕時便罷今乃夜

繹穀明其疑駭不足也凡靳不施惠者曰夜繹

御覽四百九十九又七百三十九又八

百二十八多末一句

徒不上墓俗說新遭刑罪原解者不可已上墓祠祀令人死亡謹



案孝經身體髮膚受之父母曾子病困啟手足曰歸全也遭刑者

髮首剔髮身被加笞新出狴犴臭穢不潔凡祭祀者孝子致齋貴

馨香如親存時也見子被刑心有惻愴緣生事死恐神明不歆家

疑誤或當不疑是故字當不疑上墓耳御覽六百四十二

俗說亡人魂氣飛揚故作魃頭曰存之言頭體魃然盛大也或

謂魃頭為觸蟻殊方語也御覽五百五十二

墓上樹柏路頭石虎周禮方相氏入壙馭魃象魃象好食亡者肝

腦人家不能常令方相立于墓側曰禁禦之而魃象畏虎與柏御覽

九百五十四

俗說齊人有空車行魯人有負金者便持金置車中行一作百

里臨別取金各不相問為誰亦不謝後車者一作家繫獄當死金主

竟往篡之一作篡人取之穿壁未達曰極哉一無此三字車者怒不肯出金

主慙欲與俱死明日主者曰事白齊君齊君義而原之御覽四百二十一

七百五十七

案劉向別錄，讎校一人讀書，校其上下，得謬誤為校，一人持本，一

人讀書，若怨家相對為讎。文選魏都賦注

殺青書可繕寫，謹案劉向別錄曰：殺青者，直治竹作簡書之耳，新

竹有汗，善朽蠹，凡作簡者，皆于火上炙乾之，陳楚閒謂之汗，汗者

去其汗也。吳越曰：殺殺亦治也。劉向為孝成皇帝典校書籍二十

餘年，皆先書竹為易刊定，可繕寫者，曰上素也。由是言之，殺青者

竹斯為明矣。今東觀書竹素也。初學記二十八御覽六百六文選張景陽雜詩注

光武中興已來，五曹詔書題鄉亭壁，歲補正，多有闕誤。永建中，充

州刺史過翔，廣韻八戈作過翔箋撰卷別改著板上，一勞而久逸。御覽五百九十三

俗說有功德賜金者，皆黃金也。謹案孫子兵書：日費千金，千金百

萬錢也。陳平諫即問字古通用楚千金，贈一作二疏五十斤，並黃金也。或

萬錢也。陳平諫即問字古通用楚千金，贈一作二疏五十斤，並黃金也。或

云一金亦是一萬錢也

意林御覽六百三十三

鹹如炭俗說鹹亦與熱正等炭火不可已入口人食得大鹹亦吐之謹案東海胸人曉知鹽法者云攪鹽木多日每焦黑如炭非謂竈中火炭也

御覽八百六十五

酢如葢莢謹案孝經說古太平葢莢生階其味酸王者取之曰調味後曰醢醢代之

御覽八百六十六又八百七十三

俗說驥馬啖賓客宴食已闕主意未盡欲復飲酒餘無施更

一作便

出脯鮓椒薑鹽豉言其速疾如驥馬之傳命

書鈔百四十二御覽八百四十九

案方言豚豬子也今人相罵曰孤豚之子是也

文選客雜注

馬一匹俗說相馬比君子與人相匹或曰馬夜行目明照前四丈

故曰一匹俗說度馬縱橫適得一匹或說馬死賣得一匹帛或云

春秋左氏說諸侯相贈乘馬束帛束帛爲匹與馬相匹耳

藝文類聚九十

三御覽八百九十七

車一兩謂兩兩相與為體也原其所自言兩者箱轅及輪兩兩而

耦故稱兩耳

藝文類聚七十一御覽七百七十三又七百七十六通鑑注漢紀三十三

鹿車窄小裁容一鹿也或云樂車乘牛馬者剡斬飲飼達曙今乘

此雖為勞極然入傳舍偃臥無憂故曰樂車無牛馬而能行者獨

一人所致耳

御覽七百七十五後漢書趙熹傳注通鑑注晉紀二十

俗說大餓不在一字

有車飯謂正得一車飯不復活也或曰輔車上

飯小小不足濟也案吳郡名酒杯為盪

字見方言廣雅曹憲音又章反

言大餓人

得一盪飯無所益也盪相六不守熟案蒸飯要泥

疑當從說謂之文作氣流

餹音與六相似也

御覽四百八十又入百五十

疲馬不能度繩俗說馬羸不能度繩索或云不能度種菜畦塍也

謹案齊有繩水裁廣三四步言馬之疲乃不能度此水耳

藝文類聚九十

三御覽八百九十七

殺君馬者路旁兒也俗說長吏食重祿芻藁豐美馬肥希出路旁

小兒觀之、卻驚致死、案長吏馬肥、觀者快之、乘者喜其言、御覽作馬之走、野也、野者馳驅不已、至于瘠死、御覽文類聚九十三云、今從類聚、賣牛勿握角、令不售、案恐觸人、人不敢取也、御覽八百九十七、九十七、

賜進士出身二品銜廣東等處提刑按察使司按察使兼管驛傳事務貴岡王毓藻校刊